



PENGUAT KUASA imigresen selamatkan pengawal keselamatan warga Nepal yang menjadi mangsa eksploitasi di Petaling Jaya.

Selamat 6 warga Nepal dieksploitasi majikan

Kuala Lumpur: Enam pengawal keselamatan warga Nepal yang menjadi mangsa eksploitasi sebagai buruh paksa oleh majikan diselamatkan Jabatan Imigresen Malaysia (JIM) dalam serbuan di sebuah premis di Petaling Jaya, Selangor pada 27 Oktober lalu.

Ketua Pengarah JIM, Datuk Khairul Dzaimie Daud berkata, pemeriksaan dilakukan Bahagian Pencegahan Atipsom dan Amla Ibu Pejabat Imigresen Putrajaya di sebuah premis kediaman yang dijadikan asra-

ma penginapan pekerja itu berdasarkan hasil maklumat dan risikan.

“Pemeriksaan di lokasi itu menemui enam lelaki warga Nepal berusia 30 hingga 40 tahun berada dalam premis itu yang dilihat dalam keadaan daif dan tidak selesa,” katanya.

Khairul Dzaimie berkata, pihaknya turut memeriksa pejabat majikan dan beberapa dokumen dirampas selain wakil syarikat dibawa ke Ibu Pejabat Imigresen Putrajaya untuk siasatan lanjut.